



Մ Ա Յ Ր Ա Թ Ո Ռ Ո Ւ Մ

Ապրիլի 2-ին, երեքշաբթի.—Այսօր Մայր Աթոռ և Վեհափառ Հայրապետին է այցելում Մերձավոր Արևելքի օդանավային ընկերության երևանյան ներկայացուցիչ Ռոմե Կարանյանը:

Վեհափառ Հայրապետի և հարգելի հյուրի միջև տեղի է ունենում ջերմ զրույց:

* *

Ապրիլի 3-ին, չորեքշաբթի.—Այսօր, երկույան ժամը 20.30-ին, Վեհափառ Հայրապետի ներկայությամբ, տեղի է ունենում միաբանական հերթական հանդիպում, որի ընթացքում Հնդկաստանի կրոնների մասին բովանդակալից զեկուցում է կարդում հոգևոր ճանապարհի տեսուչ տ. Արիս ծ. վրդ. Ծիրվանյանը:

* *

Ապրիլի 7-ին, կիրակի.—Ծաղկազարդ եւ աւետումն ա. Աստուածածնի.

Այսօր Մայր տաճարում, օրվա մեծ տոնի առիթով, ա. պատարագ է մատուցում տ. Արիս ծ. վրդ. Ծիրվանյանը և «Հայր մեր»-ից առաջ քարոզում Քրիստոսի Երուսաղեմ մուտքի խորհրդի և հոգևոր նշանակության մասին:

Ա. պատարագին ներկա է լինում Վեհափառ Հայրապետը:

* *

Նույն օրը, երկույան, Մայր տաճարում ավանդական հանդիսությամբ կատարվում է

Դռնբացեքի արարողությունը՝ Մայր տաճարի լուսարարապետ տ. Հուսիկ եպս. Սանթրոյանի հանդիսադրությամբ և մասնակցությամբ Մայր Աթոռի ողջ միաբանությամբ:

* *

Ապրիլի 8-ին, երկուշաբթի.—Այսօր Մայր Աթոռ և Վեհափառ Հայրապետին է այցելում Հայաստանում հյուրաբար գտնվող գերմանական «Կոլմիշե-րունդաու» թերթի մոսկովյան թղթակից Հայնց Լաթեն:

Հայոց Հայրապետի և հարգելի հյուրի միջև տեղի է ունենում ջերմ զրույց:

* *

Ապրիլի 9-ին, երեքշաբթի.—Զատկական տոնակատարությունների կապակցությամբ պատարագելու և Բանին կենաց քարոզությամբ հավատացյալներին մխիթարելու համար ներքին թեմեր մեկնեցին Մայր Աթոռի միաբաններ տ. Արիս ծ. վրդ. Ծիրվանյանը՝ Լենինական, տ. Ադամ վրդ. Բալիոզյանը՝ Բաքու, տ. Եզնիկ արդ. Պետրոսյանը՝ Ախալքալաք, տ. Կարապետ քհն. Գլընյանը՝ Ախալցխա, տ. Հակոբ քհն. Գյուկչյանը, ընկերակցությամբ Վրեժ արկ. Նաչարյանի՝ Ռոստով, Հարություն արկ. Սարգսյանի ու Վաչե արկ. Նալբանդյանի՝ Թբիլիսի:

* *

Ապրիլի 10-ին, չորեքշաբթի.—Այսօր, Մայր Աթոռ ա. Էջմիածնից և Ամենայն Հա-

յոց Հայրապետից հրաժեշտ առնելով, իր պաշտոնատեղին է մեկնում Դամասկոսի հայոց առաջնորդ տ. Ոսկան ծ. վրդ. Գալթակյանը:

Նույն օրը, երեկոյան ժամը 20.30-ին, Վեհափառ Հայրապետի ներկայությամբ, տեղի է ունենում միաբանական հերթական հանդիպում, որի ընթացքում ԱՄՆ-ում գործող եկեղեցիների արդի վիճակի մասին զեկուցում է հոգևոր ճեմարանի ավագ վերականգն Սարգիս սրկ. Սարգսյանը:

Ապրիլի 11-ին, հինգշաբթի.—Առաջ հինգշաբթի. Յիշատակ ընթերցեց Տեառն մերոյ Յիսուսի Քրիստոսի:

Օրվա մեծ տոնի առիթով Մայր տաճարում ս. պատարագ է մատուցում տ. Մուշեղ վրդ. Պետիկյանը:

Ժամը 16-ին Մայր տաճարում հանդիսավորությամբ կատարվում է «Զկարգ ոտնալուսյին» հանդիսադրությամբ Մայր տաճարի լուսարարապետ տ. Հուսիկ եպս. Սանթրոյանի:

«Ի գիշերին հսկումն է»:

Մայր տաճարում, Վեհափառ Հայրապետի հանդիսադրությամբ, կատարվում է Խավարման կարգը:

Վեհափառ Հայրապետը, «Փառք ի բարձունա» երգից առաջ, հոգեշունչ քարոզ է խոսում Խավարման գիշերվա խորհրդի և Հիսուսի մատնության ու չարչարանքի հոգեվոր նշանակության մասին համամարդկային փրկագործության ճանապարհի վրա:

Ապրիլի 12-ին, ուրբաթ.—Յիշատակ չարչարանաց եւ խաչելութեան Տեառն մերոյ Յիսուսի Քրիստոսի.

Առավոտյան Մայր տաճարում պաշտվում է «Յիշատակ խաչելութեան և չարչարանաց Տեառն մերոյ Յիսուսի Քրիստոսի» կարգը:

Երեկոյան, Վեհափառ Հայրապետի հանդիսադրությամբ, Մայր տաճարում կատարվում է թաղման կարգը և ապա «Թափոր թաղմանն»:

Ապրիլի 13-ին, շաբաթ.—Առաջ շաբաթ. Ծրագալոյց Զատիկի:

Այսօր Մայր տաճարում, երեկոյան ժամը 17-ին, Ծրագալոյցի պատարագ է մատուցում տ. Մասիս աթղ. Գալստյանը: Ս. պատարագից առաջ հոգևոր ճեմարանի ուսանողները ընթերցում են Դանիելի գիրքը:

Ս. պատարագի ավարտին, Վեհափառ Հայրապետի հանդիսադրությամբ, կատարվում է Զատիկի նախատոնակը, որից հետո Վեհափառ Հայրապետը առաջնորդվում է Վեհարան:

Ավելի ուշ մայրավաճքի սեղանատանը օրհնվում է Մայր Աթոռի աղն ու հացը, և միաբանությունը ճաշակում է Նավակատիքի բարիքները:

Ապրիլի 15-ին, երկուշաբթի.—Յիշատակ մեռելոց.

Այսօր Մայր տաճարում ս. պատարագ է մատուցում տ. Գուրգեն քհն. Աշուրյանը:

Ս. պատարագի ավարտին կատարվում է հոգեհանգստյան պաշտոն՝ «վասն համօրէնն ճնշեցելոց»:

Ապրիլի 21-ին, կիրակի.—Կրկնագատիկ (Նոր կիրակի).

Այսօր Մայր տաճարում ս. պատարագ է մատուցում տ. Աղան վրդ. Բալիոզյանը և «Հայր մեր»-ից առաջ քարոզում «Երանի որոց ոչ իցէ տեսեալ և հաւատասցեն» (Հովհ. Ի 29) բնաբանով:

Հավարտ ս. պատարագի կատարվում է հոգեհանգստյան պաշտոն՝ «վասն բիրաւորն հաւատակացն մերոց համաշխարհային առաջին եւ երկրորդ պատերազմաց»:

Ապրիլի 28-ին, կիրակի.—Գ կիրակի Աշխարհամատարան (Կանաչ կիրակի).

Այսօր Մայր տաճարում ս. պատարագ է մատուցում տ. Եղիշկ աթղ. Պետրոսյանը և «Հայր մեր»-ից առաջ քարոզում տ. Արիս ծ. վրդ. Ծիրվանյանը «Պարտ է ձեզ ծնանել վերստին» (Հովհ. Գ 7) բնաբանով:

Ս. պատարագին ներկա է լինում Վեհափառ Հայրապետը:

